

**DIO ČETVRTI – PRAVA I OBAVEZE UČESNIKA U PROVOĐENJU PROGRAMA****Član 19.**  
(Ugovaranje)

- Ministarstvo zaključuje Ugovor o dodjeli poticajnih finansijskih sredstava (u daljnjem tekstu: Ugovor o dodjeli) sa podnosiocima prijava sa konačne liste korisnika bespovratnih sredstava. Ugovor o dodjeli definiše međusobna prava i obaveze ugovornih strana, način i dinamiku utroška dodijeljenih finansijskih sredstava.
- Zaključivanje Ugovora o dodjeli sa krajnjim korisnicima obavljat će se u prostorijama Vlade, Ministarstva ili drugim mjestima, o čemu će se krajnji korisnici na vrijeme obavijestiti. Ukoliko postoji opravdan razlog za nemogućnost dolaska nekog od korisnika na potpis Ugovora o dodjeli, dozvoljeno je primjerke ugovora poslati poštom uz obavezu korisnika da primjerke Ministarstva vrati u roku od 8 (osam) dana.
- Korisnici bespovratnih sredstava prema Ugovoru o dodjeli dužni su:
  - odobrena finansijska sredstva koristiti u skladu sa projektnom prijavom i Ugovorom o dodjeli;
  - u roku definisanom u Ugovoru o dodjeli, dostaviti potrebnu dokumentaciju za pravdanje dodijeljenih finansijskih sredstava, kao i izvršenja drugih preuzetih obaveza u skladu sa dodijeljenim sredstvima.
- Sa podnosiocima prijava, sa konačne liste korisnika kreditnih sredstava čije je zahtjeve naknadno verificovala Banka, ugovor zaključuje Banka. Praćenje utroška kreditnih sredstava vrši Banka u saradnji sa Ministarstvom.

**DIO PETI – PRELAZNE I ZAVRŠNE ODREDBE****Član 20.**

(Prestanak važenja Pravilnika)

Danom stupanjem ovog Pravilnika prestaje da važi Pravilnik o postupcima u provođenju Programa razvoja male privrede ("Službene novine Federacije BiH", br. 50/13, 55/13 i 86/13).

**Član 21.**

(Stupanje na snagu)

Ovaj Pravilnik stupa na snagu narednog dana od dana objavljivanja u "Službenim novinama Federacije BiH".

Broj 05-02-196/24  
24. aprila 2024. godine  
Mostar

Ministar  
**Vojin Mijatović, s. r.**

**FEDERALNO MINISTARSTVO  
POLJOPRIVREDE, VODOPRIVREDE I  
ŠUMARSTVA****660**

Na temelju članka 122. stavak (3) Zakona o poljoprivrednom zemljištu ("Službene novine Federacije BiH", broj: 52/09), federalni ministar poljoprivrede, vodoprivrede i šumarstva donosi

**PRAVILNIK****O IZMJENI PRAVILNIKA O UVJETIMA I NAČINU  
KORIŠTENJA SREDSTAVA OSTVARENIH OD  
ZAMJENE, ZAKUPA I KONCESIJE  
POLJOPRIVREDNOG ZEMLJIŠTA U VLASNIŠTVU  
DRŽAVE****Članak 1.**

U Pravilniku o uvjetima i načinu korištenja sredstava ostvarenih od zamjene, zakupa i koncesije poljoprivrednog zemljišta u vlasništvu države ("Službene novine Federacije BiH", broj 78/09), u članku 6. tabela br. 1. mijenja se i glasi:

Tabela br. 1

	oranice			zapušteno
	vrtovi			trstici
	voćnjaci	livade	pašnjaci	močvare
	maslinici			neploidno
	vinogradi			
	zakup, dugogodišnji zakup KM/ha	zakup, dugogodišnji zakup KM/ha	zakup, dugogodišnji zakup KM/ha	zakup, dugogodišnji zakup KM/ha
početna cijena – za područja iznad 1000 m <sup>2</sup> *	50	30	20	10
početna cijena – za područja iznad 600 m <sup>2</sup> *	75	50	40	15
početna cijena – za ostala područja	150	100	80	30

\* metara nadmorske visine"

**Članak 2.**

Ovaj Pravilnik stupa na snagu narednog dana od dana objavljivanja u "Službenim novinama Federacije BiH".

Broj 03-2-02/1-424-1/24  
Travnja 2024. godine  
Sarajevo

Ministar  
**Kemal Hrnjić**

Na osnovu člana 122. stav (3) Zakona o poljoprivrednom zemljištu ("Službene novine Federacije BiH", broj 52/09), federalni ministar poljoprivrede, vodoprivrede i šumarstva donosi

**PRAVILNIK****O IZMJENI PRAVILNIKA O USLOVIMA I  
NAČINU KORIŠĆENJA SREDSTAVA OSTVARENIH  
OD ZAMJENE, ZAKUPA I KONCESIJE  
POLJOPRIVREDNOG ZEMLJIŠTA U VLASNIŠTVU  
DRŽAVE****Član 1.**

U Pravilniku o uslovima i načinu korišćenja sredstava ostvarenih od zamjene, zakupa i koncesije poljoprivrednog zemljišta u vlasništvu države ("Službene novine Federacije BiH", broj 78/09), u članu 6. tabela br. 1. mijenja se i glasi:

Tabela br. 1

	oranice			zapušteno
	vrtovi			trstici
	voćnjaci	livade	pašnjaci	močvare
	maslinici			neploidno
	vinogradi			
	zakup, dugogodišnji zakup KM/ha	zakup, dugogodišnji zakup KM/ha	zakup, dugogodišnji zakup KM/ha	zakup, dugogodišnji zakup KM/ha
početna cijena – za područja iznad 1000 m <sup>2</sup> *	50	30	20	10
početna cijena – za područja iznad 600 m <sup>2</sup> *	75	50	40	15
početna cijena – za ostala područja	150	100	80	30

\* metara nadmorske visine"

**Član 2.**

Ovaj Pravilnik stupa na snagu narednog dana od dana objavljivanja u "Službenim novinama Federacije BiH".

Aprila 2024. godine  
Sarajevo

Ministar  
**Kemal Hrnjić**

Na osnovu člana 122. stav (3) Zakona o poljoprivrednom zemljištu ("Službene novine Federacije BiH", broj 52/09), federalni ministar poljoprivrede, vodoprivrede i šumarstva donosi

**PRAVILNIK  
O IZMJENI PRAVILNIKA O USLOVIMA I NAČINU  
KORIŠTENJA SREDSTAVA OSTVARENIH OD  
ZAMJENE, ZAKUPA I KONCESIJE  
POLJOPRIVREDNOG ZEMLJIŠTA U VLASNIŠTVU  
DRŽAVE**

**Član 1.**

U Pravilniku o uslovima i načinu korištenja sredstava ostvarenih od zamjene, zakupa i koncesije poljoprivrednog zemljišta u vlasništvu države ("Službene novine Federacije BiH", broj 78/09), u članu 6. tabela br. 1. mijenja se i glasi:

Tabela br. 1

	oranice	livade	pašnjaci	zapušteno
	vrtovi			trstici
	voćnjaci			močvare
	maslinici			
	vinogradi			neplodno
	zakup, dugogodišnji zakup KM/ha	zakup, dugogodišnji zakup KM/ha	zakup, dugogodišnji zakup KM/ha	zakup, dugogodišnji zakup KM/ha
početna cijena - za područja iznad 1000 mnv*	50	30	20	10
početna cijena - za područja iznad 600 mnv*	75	50	40	15
početna cijena - za ostala područja	150	100	80	30

\*metara nadmorske visine"

**Član 2.**

Ovaj Pravilnik stupa na snagu narednog dana od dana objavljivanja u "Službenim novinama Federacije BiH".

Broj 03-2-02/1-424-1/24

Aprila 2024. godine

Sarajevo

Ministar  
**Kemal Hrnjić**

**USTAVNI SUD FEDERACIJE  
BOSNE I HERCEGOVINE**

**661**

Ustavni sud Federacije Bosne i Hercegovine, odlučujući o zahtjevu Premijera Federacije Bosne i Hercegovine za ocjenu ustavnosti članka 6. stavak 3. i članka 9. st. 2. i 3. Odluke o komunalnim djelatnostima zajedničke potrošnje, na temelju članka IV.C.3.10.(2) d) Ustava Federacije Bosne i Hercegovine, na sjednici bez javne rasprave održanoj dana 12.3.2024. godine, donio je

**PRESUDU**

Utvrđuje se da odredba članka 6. stavak 3. koja glasi: "Komunalna naknada se određuje i za nadzemne i podzemne instalacije elektrodistributivne mreže, telekomunikacijske mreže, plinske mreže" i članak 9. st. 2. i 3. Odluke o komunalnim djelatnostima zajedničke potrošnje ("Službene novine Općine Zenica", br. 7/01, 4/07, 3/08, 1/10, 2/11, 4/13 i 2/14 i "Službene novine Grada Zenica", br. 1/16, 1/18, 4/18, 5/18, 1/19, 1/20, 2/22 i 1/23) nisu u suglasnosti sa Ustavom Federacije Bosne i Hercegovine.

Presudu objaviti u "Službenim novinama Federacije BiH" i "Službenim novinama Grada Zenica".

**Obrazloženje**

**1. Podnositelj zahtjeva i predmet zahtjeva**

Premijer Federacije Bosne i Hercegovine (u daljnjem tekstu: podnositelj zahtjeva) koristeći ovlasti iz članka IV.C.3.10.(2) d) Ustava Federacije Bosne i Hercegovine, podnio je Ustavnom sudu Federacije Bosne i Hercegovine (u daljnjem tekstu: Ustavni sud Federacije) zahtjev za utvrđivanje ustavnosti odredba članka 6. stavak 3. i članka 9. st. 2. i 3. Odluke o komunalnim djelatnostima zajedničke potrošnje (u daljnjem tekstu: osporena Odluka, odnosno osporena Odluka), koju je donijelo Vijeće Općine Zenica, sada Gradsko vijeće Zenica (u daljnjem tekstu: donositelj osporene Odluke).

**2. Stranke u postupku**

Na temelju članka 39. stavak 1. Zakona o postupku pred Ustavnim sudom Federacije Bosne i Hercegovine ("Službene novine Federacije BiH", br. 6/95 i 37/03), stranke u ovom ustavnosudbenom postupku su: podnositelj zahtjeva i donositelj osporene Odluke.

**3. Bitni navodi zahtjeva**

Podnositelj zahtjeva tvrdi da osporena Odluka, u dijelu u kojem se utvrđuje obveza plaćanja komunalne naknade za nadzemne i podzemne instalacije elektrodistributivne mreže, telekomunikacijske mreže i plinske mreže, nije sukladna s odredbom članka II.A.2.(1) c) Ustava Federacije Bosne i Hercegovine, kojom je propisano da sve osobe na teritoriji Federacije Bosne i Hercegovine uživaju pravo na jednakost pred zakonom.

Osporenim Odlukom definirane su djelatnosti zajedničke komunalne potrošnje, utvrđen je način organizacije tih djelatnosti, te propisana obveza plaćanja komunalne naknade "za korištenje objekata i uređaja zajedničke komunalne potrošnje" i određeni osnovi i mjerila na temelju kojih se utvrđuje njena visina (članak 1.). Potom su definirani i obveznici te komunalne naknade. Najprije su exempli causa navedene neke kategorije obveznika odnosno osoba i to: vlasnici stanova i individualnih stambenih objekata, vlasnici motornih vozila, vlasnici poslovnog i drugog prostora, te korisnici prostora kojima je vlasnik nepoznat ili nedostupan, vlasnici zemljišta koji se koristi u poslovne svrhe, vlasnici pokretnih i nepokretnih stvari koji podliježu plaćanju poreza na promet, a na kraju te odredbe je upotrijebljena tzv. generalna klauzula, pa su obveznici predmetne komunalne naknade "i sve druge fizičke i pravne osobe koje su korisnici objekata i uređaja zajedničke komunalne potrošnje" (članak 6. stavak 1.).

Odlukom o dopuni Odluke o komunalnim djelatnostima ("Službene novine Općine Zenica", broj 4/13) i Odlukom o izmjenama i dopunama Odluke o komunalnim djelatnostima zajedničke potrošnje ("Službene novine Grada Zenica", broj 1/18), članak 6. je prvo dopunjen, a potom i izmijenjen, te je propisano da se komunalna pristojba plaća i "za nadzemne i podzemne instalacije elektrodistributivne mreže, telekomunikacijske mreže, plinske mreže". Kada se ova nova odredba promatra u svezi sa stavkom 1. istog članka, ali i u odnosu na ostale odredbe osporene Odluke, po mišljenju podnositelja zahtjeva evidentno je da jedinica lokalne samouprave različito postupaju prema pojedinim gospodarskim subjektima. Navedenom se odredbom naime izdvajaju isključivo vlasnici nadzemnih i podzemnih instalacija elektrodistributivne mreže, telekomunikacijske mreže, plinske mreže, iako nisu ni vlasnici zemljišta niti odgovarajućeg prostora kako je definirano stavkom 1. članka 6., te stoga nisu ni obuhvaćeni definicijom obveznika komunalne naknade.

Podnositelj zahtjeva također smatra da se mora uzeti u obzir predmet reguliranja osporene Odluke definiran u članku 1., gdje između ostalog stoji da se tom Odlukom propisuje obveza plaćanja komunalne naknade za korištenje objekata i uređaja zajedničke